



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-00-1257/25-I
Brčko, 24.10.2025. godine

Z A P I S N I K
sa 273. sjednice Pravosudne komisije Brčko distrikta BiH
održane 24.10.2025. godine, u 08,30 sati sa slijedećim

Dnevni m red o m

1. Usvajanje zapisnika sa 272. redovne i 129. vanredne sjednice Pravosudne komisije Brčko distrikta BiH
2. Prijedlog Zakona o Pravobranilaštvu Brčko distrikta BiH (drugo čitanje)
(izvjestilac: Vuk Lučić)
3. Prijedlog Zakona o vještacima u Brčko distriktu Bosne i Hercegovine (drugo čitanje)
(izvjestilac: Rade Mitrović)
4. Razmatranje izjavljenog prigovora protiv Odluke o imenovanju zamjenika pravobranioca u Pravobranilaštvu Brčko distrikta BiH, broj: SuPK-01-913/25-I od 18.07.2025. godine
(izvjestilac: Rade Mitrović)
5. Donošenje odluke o formiranju Radne grupe za izradu prijedloga Pravilnika o sudskim tumačima u Brčko distriktu BiH
(izvjestilac: Rade Mitrović)
6. Donošenje odluke o formiranju Radne grupe za izradu prijedloga Pravilnika o programu stručnog ispita za stečajnog upravnika, načinu njegovog polaganja i načinu stručnog usavršavanja stečajnog upravnika
(izvjestilac: Rade Mitrović)
7. Razmatranje zahtjeva Ranke Dabić operatera-asistenta Tužilaštva Brčko distrikta BiH
(izvjestilac: Rade Mitrović)
8. Davanje mišljenja Ministarstvu pravde BiH na iniciranje postupka pristupanja Haškoj konvenciji o izboru suda
(izvjestilac: Rade Mitrović)
9. Razmatranje prijedloga za dopunu Plana stručnog usavršavanja službenika i namještenika u pravosuđu Brčko distrikta BiH za 2025.godinu
(izvjestilac: Rade Mitrović)
10. Organizacija seminara za službenike i namještenike u pravosuđu Brčko distrikta BiH, na temu: „Odgovornost prema poslu (poštovanje radnog vremena institucije, postupanje sa službeno dostupnim informacijama, izvršavanje naloga pretpostavljenog i odbijanje nezakonitog naloga pružanje informacija strankama“
(izvjestilac: Rade Mitrović)

11. Donošenje odluke o raspisivanju Javnog konkursa za popunjavanje upražnjenih radnih mjesta u pravosuđu Brčko distrikta BiH
(izvjestilac: Rade Mitrović)
12. Donošenje odluke o imenovanju Komisija za zapošljavanje po raspisanom Javnom konkursu broj: SuPK-01-1114/25-I od 19.09.2025. godine
(izvjestilac: Rade Mitrović)
13. Donošenje odluke o raspisivanju javnog poziva za prijem volontera u pravosuđe Brčko distrikta BiH
(izvjestilac: Rade Mitrović)
14. Donošenje odluke o djelomičnom poništenju javnog konkursa za popunjavanje upražnjenih radnih mjesta u pravosuđu Brčko distrikta BiH broj: SuPK-01-1114/25-I od 19.09.2025. godine
(izvjestilac: Rade Mitrović)
15. Rang lista sa preporukom za izbor diplomiranog pravnika u zemljišno-knjižnom uredu u Osnovnom sudu Brčko distrikta BiH, na neodređeno vrijeme
(izvjestilac: Rade Mitrović)
16. Rang lista sa preporukom za izbor referenta za upravljanje predmetima u Osnovnom sudu Brčko distrikta BiH, na neodređeno vrijeme
(izvjestilac: Rade Mitrović)
17. Verifikacija Rješenja o imenovanju povjerenika osuđenom licu broj: SuPK-06-998/25-II od 23.09.2025. godine i verifikacija Rješenja o raspoređivanju osuđenog lica broj: SuPK-06-998/25-III od 23.09.2025. godine
(izvjestilac: Rade Mitrović)
18. Molba za pomilovanje osuđenog F. Č.
(izvjestilac: Rade Mitrović)
19. Razno

PRISUTNI SU:

1. SAFET PIZOVIĆ, predsjednik Komisije,
2. MIRSAD ĆEMAN, sudija Ustavnog suda BiH, (putem telefonske veze)
3. DAMJAN KAURINOVIĆ, predsjednik Apelacionog suda Brčko distrikta BiH,
4. DRAGAN TOMAŠ, predsjednik Osnovnog suda Brčko distrikta BiH,
5. RADMILO IVANOVIĆ, v.d. glavnog tužioca Tužilaštva Brčko distrikta BiH,
6. DEJAN ĐUROVIĆ, pravobranilac Pravobranilaštva Brčko distrikta BiH,
7. MEHMED BEČIĆ, član Komisije iz reda građana,
8. MILIVOJ VASIĆ član Komisije iz reda građana,
9. IVAN LOVRIĆ, član Komisije iz reda građana.

Sjednica počela u 08,37 sati.

Konstatuje se da sjednici prisustvuju svi članovi i to lično prisustvuje osam članova Komisije, dok je deveti član Mirsad Ćeman, sudija Ustavnog suda BiH, sjednici prisutan putem telefonske veze.

Sjednici prisustvuje i sekretar Pravosudne komisije, Rade Mitrović.

Predsjednik Komisije otvara 273. redovnu sjednicu Pravosudne komisije s predloženim dnevnim redom, te predlaže da se dnevni red dopuni sa šest tačaka i to:

„Donošenje odluke o imenovanju za „operatora-asistenta za upravljanje privremeno oduzetom imovinom u Pravosudnoj komisiji Brčko distrikta BiH“; Donošenje odluke o imenovanju Elvisa Junuzovića „Referenta-operatora-asistenta u osnovnom sudu Brčko distrikta BiH“; Donošenje ugovora o obavljanju pripravničkog staža za „Pripravnika u osnovnom sudu Brčko distrikta BiH“; Donošenje ugovora o obavljanju pripravničkog staža za „Pripravnika u Pravobranilaštvu Brčko distrikta BiH“; Davanje saglasnosti na odluku o imenovanju Komisije za odabiranje arhivske građe i izlučivanje bezvrijednog registraturskog materijala u Pravobranilaštvu Brčko distrikta BiH“ i izvještaj o obavljenoj edukaciji za službenike i namještenika u pravosuđu Brčko distrikta BiH na temu „integritet i dolično ponašanje (ponašanje van institucije koje šteti ugledu pravosuđa, odijevanje, predstavljanje zabrana mobinga i uznemiravanje, odnosi sa strankama i drugim zaposlenicima)“.

Slijedom navedenih dopuna tačka 19. Razno postaje tačka broj 24.

Konstatuje se da je Komisija jednoglasno saglasna sa predloženim i dopunjenim dnevnim redom.

Prelazi se na prvu tačku dnevnog reda.

1. Usvajanje zapisnika sa 272. redovne i 129. vanredne sjednice Pravosudne komisije Brčko distrikta BiH

Konstatuje se da je Komisija jednoglasno usvojila zapisnik sa 272. redovne sjednice Pravosudne komisije Brčko distrikta BiH, i zapisnik sa 129. vanredne sjednice Pravosudne komisije Brčko distrikta BiH.

2. Prijedlog Zakona o Pravobranilaštvu Brčko distrikta BiH (drugo čitanje)

Konstatuje se da je sjednici pristupio Vuk Lučić, sudija Apelacionog suda Brčko distrikta BiH, koji je izvjestilac po ovoj tački.

Nakon uvodnog izlaganja izvjestioca po ovoj tački, Vuka Lučića, sudije Apelacionog suda Brčko distrikta BiH, i provedene diskusije, konstatuje se da je Komisija jednoglasno utvrdila prijedlog Zakona o Pravobranilaštvu Brčko distrikta BiH u drugom čitanju, uz zaključak, uz pismeno testiranje i pismeni rad.

3. Prijedlog Zakona o vještacima u Brčko distriktu Bosne i Hercegovine (drugo čitanje)

Nakon uvodnog izlaganja i provedene diskusije, konstatuje se da je Komisija jednoglasno utvrdila prijedlog Zakona o vještacima u Brčko distrikta BiH u drugom čitanju. Prijedlog zakona dostaviti relevantnim institucijama, na mišljenja, nakon čega isti uputiti u skupštinsku proceduru.

4. Razmatranje izjavljenog prigovora protiv Odluke o imenovanju zamjenika pravobranioca u Pravobranilaštvu Brčko distrikta BiH, broj: SuPK-01-913/25-I od 18.07.2025. godine

Nakon obrazloženja i provedene diskusije, Komisija je jednoglasno donijela zaključak da se podnosiocu izjavljenog prigovora protiv Odluke o imenovanju zamjenika pravobranioca u Pravobranilaštvu Brčko distrikta BiH, broj: SuPK-01-913/25-I od 18.07.2025. godine, uputi obavještenje da su činjenice o radnom iskustvu, koje u svom dopisu ističe kao sporne, bile poznate Pravosudnoj komisiji kako iz same prijave kandidata, tako i iz dokumentacije koju su kandidati dostavljali na razgovor, te je ocijenjeno da svi kandidati imaju ispunjen uslov u pogledu relevantnog radnog iskustva, zbog čega nije ispunjen uslov za poništenje odluke kako je propisano odredbom člana 40. Zakona o Pravobranilaštvu Brčko distrikta BiH.

Nakon toga, Komisija jednoglasno donosi sljedeću

Odluku o izboru i imenovanju zamjenika pravobranioca
Brčko distrikta BiH

Za zamjenika pravobranioca Brčko distrikta BiH, izabran je i imenovan Vehid Vehabović, sin Majazudina, iz Brčkog.

Imenovani zamjenik pravobranioca stupa na dužnost odmah nakon davanja i potpisivanja zakletve, dana 04.11.2025. godine, a stupanjem na dužnost zasniva radni odnos na neodređeno vrijeme u Pravobranilaštvu Brčko distrikta BiH.

Ova odluka stupa na snagu danom donošenja i biće objavljena u „Službenom glasniku Brčko distrikta BiH“.

Zatim, konstatuje se da je Komisija jednoglasno donijela sljedeću

Odluku

Velida Demirović, zamjenik pravobranioca Pravobranilaštva Brčko distrikta BiH, prestaje da obavlja dužnost zamjenika pravobranioca zaključno sa 03.11.2025. godine, radi imenovanja novog zamjenika pravobranioca.

5. Donošenje odluke o formiranju Radne grupe za izradu prijedloga Pravilnika o sudskim tumačima u Brčko distriktu BiH

Nakon obrazloženja i provedene diskusije, Komisija je donijela sljedeću

Odluku

o formiranju Radne grupe za izradu prijedloga Pravilnika o izmjenama i dopunama pravilnika o uslovima, načinu i postupku upisa na listu stalnih sudskih tumača u Brčko distriktu BiH

Član 1

Imenuje se Radna grupa za izradu prijedloga Pravilnika o izmjenama i dopunama pravilnika o uslovima, načinu i postupku upisa na listu stalnih sudskih tumača u Brčko distriktu BiH (u daljem tekstu: Radna grupa), u sastavu:

1. Dr. sc. Robert Jović, sudija Apelacionog suda Brčko distrikta BiH, predsjednik,
2. Admir Salihović, sudija Osnovnog suda Brčko distrikta BiH, član,
3. Gordana Radovanović, tužilac Tužilaštva Brčko distrikta BiH, član,
4. Ivana Stjepanović, zamjenik pravobranioca Pravobranilaštva Brčko distrikta BiH, član,
5. Dragana Vuković, advokat u Kancelariji za pravnu pomoć Brčko distrikta BiH, član,
6. Rade Mitrović, sekretar Pravosudne komisije Brčko distrikta BiH, član.

Član 2

Radna grupa je dužna da svoj rad organizuje van radnog vremena.

Član 3

Smjernice za izradu prijedloga propisa: prilikom izrade prijedloga Pravilnika o izmjenama i dopunama pravilnika o uslovima, načinu i postupku upisa na listu stalnih sudskih tumača u Brčko distriktu BiH, izvršiti analizu Pravilnika o uslovima, načinu i postupku upisa na listu stalnih sudskih tumača u Brčko distriktu BiH („Službeni glasnik Brčko distrikta BiH“ broj 38/16), Pravilnika o izmjenama i dopunama pravilnika o uslovima, načinu i postupku upisa na listu stalnih sudskih tumača u Brčko distriktu BiH („Službeni glasnik Brčko distrikta BiH“ broj: 33/19) i trenutnog stanja u ovoj oblasti u Brčko distriktu BiH, propisa entiteta i susjednih država kojima je uređena oblast tumača i drugih relevantnih propisa, te predložiti konkretne normative prijedloga za ovaj propis. Pri izradi prijedloga propisa Radna grupa treba posebnu pažnju posvetiti unaprijeđenju postupka imenovanja tumača, uređenja postupka i uslova za imenovanje i ponovno imenovanje, stručnom usavršavanju tumača, uvođenju mehanizma za jačanje odgovornosti tumača, definisanju prava, obaveza, mjera i odgovornosti.

Član 4

Rok za izradu: Radna grupa je dužna, u skladu sa Odlukom o proceduri i izradi propisa iz nadležnosti Pravosudne komisije („Službeni glasnik Brčko distrikta BiH“, broj: 49/14), nakon sačinjavanja nacrtu i sprovođenja postupka konsultacija, prijedlog propisa iz člana 1 ove odluke utvrditi i dostaviti Stručnoj službi Pravosudne komisije zajedno sa obrazloženjem i potpisanim zapisnicima o radu u roku od 2 (dva) mjeseca, odnosno, u periodu od 31. 10. 2025. godine do 31. 12. 2025. godine.

Član 5

- (1) Za rad van radnog vremena članovi Radne grupe imaju pravo na novčanu naknadu shodno Zakonu o službenicima i namještenicima u pravosuđu Brčko distrikta BiH.
- (2) Novčana naknada iz stava (1) utvrdiće se kao mjesečna naknada u iznosu od 10% prosječne bruto plate zaposlenih u pravosuđu isplaćene za mjesec koji prethodi mjesecu u kojem se isplaćuje naknada.
- (3) Odluku o isplati novčane naknade istekom svakog mjeseca donosi predsjednik Pravosudne komisije Brčko distrikta BiH, srazmjerno vremenu provedenom u radu.

Član 6

Ova odluka stupa na snagu danom donošenja.

6. Donošenje odluke o formiranju Radne grupe za izradu prijedloga Pravilnika o programu stručnog ispita za stečajnog upravnika, načinu njegovog polaganja i načinu stručnog usavršavanja stečajnog upravnika

Nakon obrazloženja i provedene diskusije, Komisija je donijela sljedeću

Odluku

o formiranju radne grupe za izradu prijedloga Pravilnika o programu stručnog ispita za stečajnog upravnika, načinu njegovog polaganja i načinu stručnog usavršavanja stečajnih upravnika

Član 1

Formira se Radna grupa za izradu prijedloga Pravilnika o programu stručnog ispita za stečajnog upravnika, načinu njegovog polaganja i načinu stručnog usavršavanja stečajnih upravnika, u sastavu:

1. Dobrinka Milivojević, sudija Osnovnog suda Brčko distrikta BiH, predsjednik,
2. Vuk Lučić, sudija Apelacionog suda Brčko distrikta BiH, član,

3. Olja Klašnić, stručni saradnik za pravne poslove i evropske integracije u Pravosudnoj komisiji Brčko distrikta BiH, član.

Član 2

Radna grupa je dužna da svoj rad organizuje van radnog vremena.

Član 3

Smjernice za izradu propisa: prilikom izrade prijedloga Pravilnika iz člana 1 ove odluke, radna grupa će se rukovoditi normativnim rješenjima kojima je uređena ova oblast u Federaciji Bosne i Hercegovine i Republici Srpskoj.

Član 4

Rok za izradu: Radna grupa je dužna, u skladu sa Odlukom o proceduri i izradi propisa iz nadležnosti Pravosudne komisije („Službeni glasnik Brčko distrikta BiH“, br. 49/14) nakon sačinjavanja nacрта i sprovođenja postupka konsultacija, prijedlog propisa iz člana 1 ove odluke utvrditi i dostaviti Stručnoj službi Pravosudne komisije zajedno sa obrazloženjima i potpisanim zapisnicima o radu u roku od dva mjeseca, odnosno, u periodu od 31. 10. 2025. godine do 31. 12. 2025. godine.

Član 5

- (1) Za rad van radnog vremena članovi Radne grupe imaju pravo na novčanu naknadu shodno Zakonu o službenicima i namještenicima u pravosuđu Brčko distrikta BiH.
- (2) Novčana naknada iz stava (1) utvrdiće se kao mjesečna naknada u iznosu od 10% prosječne bruto plate zaposlenih u pravosuđu isplaćene za mjesec koji prethodi mjesecu u kojem se isplaćuje naknada.
- (3) Odluku o isplati novčane naknade istekom svakog mjeseca donosi predsjednik Pravosudne komisije Brčko distrikta BiH, srazmjerno vremenu provedenom u radu.

Član 6

Ova odluka stupa na snagu danom donošenja.

7. Razmatranje zahtjeva Ranke Dabić operatera-asistenta Tužilaštva Brčko distrikta BiH

Nakon obrazloženja i provedene diskusije, Komisija je jednoglasno donijela zaključak da v.d. glavnog tužioca Tužilaštva Brčko distrikta BiH kao rukovodilac pravosudne institucije preduzme mjere u cilju prilagođavanja uslova rada za podnositeljicu zahtjeva, Ranku Dabić, na način da se ista oslobodi rada u dežuri u Tužilaštvu Brčko distrikta BiH, a sve u skladu sa Rješenjem Fonda PIO RS-a, broj:9015/93-1.1-1820.0-7137/25 od 28.05.2025. godine. Takođe, potrebno je o navedenom obavjestiti i podnositeljicu zahtjeva i tražiti pismeno izjašnjenje odnosno saglasnost sa predmetnim zaključkom.

8. Davanje mišljenja Ministarstvu pravde BiH na iniciranje postupka pristupanja Haškoj konvenciji o izboru suda

Nakon obrazloženja i provedene diskusije, Komisija je jednoglasno donijela zaključak da se obavjesti Ministarstvo pravde BiH da Pravosudna komisija nema primjedbi, komentara niti sugestija na navedeni prijedlog, te da je pristupanje Haškoj konvenciji o izboru suda iz 2005. godine, logičan korak ka daljoj integraciji Bosne i Hercegovine u međunarodne pravne tokove.

9. Razmatranje prijedloga za dopunu Plana stručnog usavršavanja službenika i namještenika u pravosuđu Brčko distrikta BiH za 2025.godinu

Nakon obrazloženja, Komisija jednoglasno donosi odluku o dopuni Plana stručnog usavršavanja službenika i namještenika u pravosuđu Brčko distrikta BiH za 2025. godinu, na način da se isti dopuni na sledeći način: u tabelarnom prikazu, iza kolone „Odgovornost prema poslu (poštivanje radnog vremena institucije, postupanje sa službeno dostupnim informacijama, izvršavanje naloga pretpostavljenog i odbijanje nezakonitog naloga, pružanje informacija strankama)“, dodaje se sadržaj po naznačenim rubrikama koji glasi:

Program usavršavanja	Ciljevi i sadržaj	Broj učesnika	Institucije uključene u program usavršavanja	Period realizacije	Organ nadležan za realizaciju	Način sprovođenja	Prijedlog predavača	Finansijska sredstva
Unapređenje znanja i podizanje nivoa svijesti o rodnoj ravnopravnosti	Poboljšanje efikasnosti rada službenika i namještenika	35	Sve pravosudne institucije	IV kvartal	PK BD BiH u saradnji sa nadležnim agencijama za obuku državnih službenika u BiH	Predavanja	Određuje organizator	Sredstva budžeta Pravosudne komisije

10. Organizacija seminara za službenike i namještenike u pravosuđu Brčko distrikta BiH, na temu: „Odgovornost prema poslu (poštovanje radnog vremena institucije, postupanje sa službeno dostupnim informacijama, izvršavanje naloga pretpostavljenog i odbijanje nezakonitog naloga pružanje informacija strankama“

Nakon obrazloženja i provedene diskusije, Komisija jednoglasno donosi sljedeću

Odluku

O organizaciji seminara na temu: „Odgovornost prema poslu (poštovanje radnog vremena institucije, postupanje sa službeno dostupnim informacijama, izvršavanje naloga pretpostavljenog i odbijanje nezakonitog naloga, pružanje informacija strankama), za službenike i namještenike u pravosuđu Brčko distrikta BiH, koji će se održati 14.11.2025. godine u sali za edukaciju Pravosudne komisije Brčko distrikta BiH.

Za edukatora na seminaru imenuje se Maja H. Jašaragić Suljanović, šef Odjeljenja za upravljanje ljudskim resursima u Stručnoj službi za poslove gradonačelnika u Gradu Tuzli.

Eduktor ima obavezu da učestvuje u pripremi, kreiranju i sastavljanju dnevnog reda seminara najkasnije 15 dana prije održavanja seminara, da organizuje praktični dio obuke, da pripremi i dostavi određenu temu u formi elektronskog materijala pripremljenog za korištenje u procesu edukacije najkasnije 15 dana prije održavanja seminara, da podnese izvještaj o evaluaciji seminara sa zaključcima seminara u roku od 8 dana od dana završetka seminara i da podnese obračun troškova edukacije uz prilaganje originalnih dokaza i dokumenata u roku od 8 dana od dana završetka seminara.

Pravosudna komisija će obezbjediti tehničku podršku i uslove za održavanje seminara, kao i učešće službenika Pravosudne komisije koji će pomoći edukatoru u vršenju njegove dužnosti i sačinjavanju izvještaja i koji će obavljati ostale poslove koji su od značaja za uspješnu realizaciju seminara.

Pravosudna komisija Brčko distrikta BiH će snositi troškove organizacije seminara, troškove naknade imenovanom edukatoru i troškove prevoza, o čemu će se donijeti posebna odluka.

11. Donošenje odluke o raspisivanju Javnog konkursa za popunjavanje upražnjenih radnih mjesta u pravosuđu Brčko distrikta BiH

Nakon obrazloženja i provedene diskusije, Komisija je jednoglasno donijela sljedeću

Odluku o raspisivanju javnog konkursa
za popunjavanje upražnjenih radnih mjesta
u pravosuđu Brčko distrikta BiH

1. Sudski policajac u Sudskoj policiji Brčko distrikta BiH (na neodređeno vrijeme)..... 7 (sedam) izvršilaca

Prijave na konkurs podnose se od 29.10.2025. godine do 12.11.2025. godine.

12. Donošenje odluke o imenovanju Komisija za zapošljavanje po raspisanom Javnom konkursu broj: SuPK-01-1114/25-I od 19.09.2025. godine

Nakon obrazloženja i provedene diskusije, Komisija je jednoglasno donijela sljedeću

O D L U K U
o imenovanju komisija za zapošljavanje po javnom konkursu broj:
SuPK-01-1114/25-I od 19.09.2025. godine

I Imenuje se komisija za zapošljavanje sudskog policajca u Sudskoj policiji Brčko distrikta BiH (na neodređeno vrijeme), u sastavu tri člana:

1. Rade Mitrović, predsjednik,
2. Ivica Jurić, član,
3. Vedad Osmanović, član.

II Imenuje se komisija za zapošljavanje za pipravnika u Kancelariji za pravnu pomoć Brčko distrikta BiH (na određeno vrijeme, do sticanja uslova za polaganje pravosudnog ispita, ali ne duže od dvije godine), u sastavu tri člana:

1. Safet Pizović, predsjednik,
2. Vanja Krndelj, član,
3. Dragana Popić, član.

13. Donošenje odluke o raspisivanju javnog poziva za prijem volontera u pravosuđe Brčko distrikta BiH

Nakon obrazloženja i provedene diskusije, Komisija je jednoglasno donijela sljedeću

Odluku o raspisivanju javnog poziva
za prijem volontera u pravosudne institucije Brčko distrikta BiH

1. Apelacioni sud Brčko distrikta BiH 2 (dva) volontera
2. Osnovni sud Brčko distrikta BiH 5 (pet) volontera

Prijave na javni poziv podnose se od 29.10.2025. godine do 12.11.2025. godine.

14. Donošenje odluke o djelimičnom poništenju javnog konkursa za popunjavanje upražnjenih radnih mjesta u pravosuđu Brčko distrikta BiH broj: SuPK-01-1114/25-I od 19.09.2025. godine

Nakon obrazloženja i provedene diskusije, Komisija je jednoglasno donijela sljedeću

Odluku
o djelimičnom poništenju javnog konkursa broj: SuPK-01-1114/25-I od 19.09.2025. godine

Član 1.

Djelimično se poništava javni konkurs za popunjavanje upražnjenih radnih mjesta u pravosuđu Brčko distrikta BiH broj: SuPK-01-1114/25-I od 19.09.2025. godine, raspisan od strane Pravosudne komisije Brčko distrikta BiH, u dijelu koji se odnosi na poziciju:

1. Sudski policajac u Sudskoj policiji Brčko distrikta BiH (na neodređeno vrijeme) 7 (sedam) izvršioca.

Član 2.

Javni konkurs za poziciju iz člana 1. ove Odluke, djelimično se poništava iz razloga što nema prijavljenih kandidata propisano članom 35. stav (1) tačka a) Zakona o službenicima i namještenicima u pravosuđu Brčko distrikta BiH.

Član 3.

Ova Odluka stupa na snagu danom donošenja i bit će objavljena na internet stranici Pravosudne komisije i oglasnim tablama pravosudnih institucija Brčko distrikta BiH.

15. Donošenje odluke o imenovanju za „operatera-asistenta za upravljanje privremeno oduzetom imovinom u Pravosudnoj komisiji Brčko distrikta BiH“

Nakon obrazloženja, Komisija jednoglasno donosi sljedeću

Odluku o imenovanju

Na radno mjesto „operater - asistent za upravljanje privremeno oduzetom imovinom“ u Pravosudnoj komisiji Brčko distrikta BiH, imenuje se Benjamin Junuzović, sin Adnana, iz Brčkog.

Imenovani je dužan stupiti na rad dana 03.11.2025. godine, a stupanjem na rad zasniva radni odnos na neodređeno vrijeme u Pravosudnoj komisiji Brčko distrikta BiH.

Stupanjem na rad imenovani se svrstava u V (peti) platni razred, stepen 5 (peti) podrazred, koeficijent 1,693570, osnovna plata u iznosu od 1.299,34 KM (hiljadudvjestotinedevadesetdevet i 34/100 konvertibilnih maraka).

16. Donošenje odluke o imenovanju Ana Grgić, „Referenta_operatera-asistenta u osnovnom sudu Brčko distrikta BiH“

Nakon obrazloženja, Komisija jednoglasno donosi sljedeću

Odluku o imenovanju

Na radno mjesto „referent-operater-asistent“ u Osnovnom sudu Brčko distrikta BiH imenuje se Ana Grgić, kći Mate, iz Brčkog.

Imenovana je dužna stupiti na rad dana 03.11.2025. godine, a stupanjem na rad zasniva radni odnos na neodređeno vrijeme u Osnovnom sudu Brčko distrikta BiH.

Stupanjem na rad imenovana se svrstava u V (peti) platni razred, 5 (peti) podrazred, koeficijent 1,693570, osnovna plata u iznosu od 1.299,34 KM (hiljadudvjestotinedevadesetdevet i 34/100 konvertibilnih maraka).

17. Zaključivanje ugovora o obavljanju pripravničkog staža za „Pripravnika u Osnovnom sudu Brčko distrikta BiH“

Konstatuje se da je Pravosudna komisija jednoglasno donijela odluku o zaključivanju ugovora o radu sa Lejlom Softić, kći Seada iz Brčkog, na poziciju pripravnika u Osnovnom sudu Brčko distrikta BiH, na određeno vrijeme odnosno do sticanja uslova za polaganje pravosudnog ispita ali ne duže od dvije godine. Imenovana je dužna početi sa radom dana 03.11.2025. godine.

18. Zaključivanje ugovora o obavljanju pripravničkog staža za „Pripravnika u Pravobranilaštvu Brčko distrikta BiH“

Konstatuje se da je Pravosudna komisija jednoglasno donijela odluku o zaključivanju ugovora o radu sa Valentinom Halilović, kći Vinka, iz Orašje na poziciju pripravnika u Pravobranilaštvu Brčko distrikta BiH, na određeno vrijeme odnosno do sticanja uslova za polaganje pravosudnog ispita ali ne duže od dvije godine. Imenovana je dužna početi sa radom dana 03.11.2025. godine.

19. Rang lista sa preporukom za izbor diplomiranog pravnika u zemljišno-knjižnom uredu u Osnovnom sudu Brčko distrikta BiH, na neodređeno vrijeme

Konstatuje se da je Pravosudna komisija jednoglasno potvrdila Rang listu sa preporukom za izbor diplomiranog pravnika u zemljišno-knjižnom uredu u Osnovnom sudu Brčko distrikta BiH, u kojoj je Mira Jović, Srbin, prvorangirani kandidat, sa zbirnom ocjenom 280,2.

20. Rang lista sa preporukom za izbor referenta za upravljanje predmetima u Osnovnom sudu Brčko distrikta BiH, na neodređeno vrijeme

Pravosudna komisija je jednoglasno primjenom odredbe člana 38. stav (3) Zakona o službenicima i namještenicima u pravosuđu Brčko distrikta BiH, odnosno odredbe člana 20. Statuta Brčko distrikta BiH za referenta za upravljanje predmetima u Osnovnom sudu Brčko distrikta BiH izabrala drugorangiranog kandidata sa liste, Musić Admira sa ostvarenih 244,7 bodova (po nacionalnosti Bošnjak), obzirom da se na taj način u skladu sa zakonskim i statutarnim odredbama, prilikom izbora kandidata u pravosuđu vodi računa o sastavu stanovništva u pogledu zapošljavanja.

21. Verifikacija Rješenja o imenovanju povjerenika osuđenom licu broj: SuPK-06-998/25-II od 23.09.2025. godine i verifikacija Rješenja o raspoređivanju osuđenog lica broj: SuPK-06-998/25-III od 23.09.2025. godine

Nakon obrazloženja, Komisija jednoglasno vrši verifikaciju Rješenja o imenovanju povjerenika osuđenom licu broj: SuPK-06-998/25-II od 23.09.2025. godine i Rješenja o raspoređivanju osuđenog lica broj: SuPK-06-998/25-III od 23.09.2025. godine.

22. Molba za pomilovanje osuđenog F. Č.

Nakon obrazloženja i provedne diskusije, Komisija jednoglasno daje prijedlog gradonačelniku Brčko distrikta BiH da se molba za pomilovanje osuđenog F. Č. ne usvoji.

23. Davanje saglasnosti na odluku o imenovanju Komisije za odabiranje arhivske građe i izlučivanje bezvrijednog registraturskog materijala u Pravobranilaštvu Brčko distrikta BiH

Nakon obrazloženja, Komisija je jednoglasno donijela odluku kojom daje saglasnosti na odluku o imenovanju Komisije za odabiranje arhivske građe i izlučivanje bezvrijednog registraturskog materijala u Pravobranilaštvu Brčko distrikta BiH.

24. Razno

Sekretar je upoznao članove Komisije da će na sljedećim skupštinskim zasjedanjima koje će se održati u dane 29.10.2025. godine, i 05.11.2025. godine, razmatrati Zakon o izmjenama i dopunama Zakona o platama i naknadama zaposlenih u pravosuđu, Zakon o izmjenama i dopunama Zakona o Sudskoj policiji Brčko distrikta BiH, u drugom čitanju, te Zakon o posebnom registru lica pravosnažno osuđenih za krivična djela spolnog zlostavljanja i iskorištavanja djeteta u Brčko distriktu Bosne i Hercegovine, prvo čitanje.

Kako se niko nije javio za riječ, konstatuje se da je 273. redovna sjednica Komisije završena u 10,51 sati.

Zapisnik vodila
Olja Klačnić

Predsjednik
Pravosudne komisije

Safet Pizović

